

Bibël për fëmijët  
paraqet



Davidi,  
Mbreti  
(Pjesa 1)



Shkruar nga: Edward Hughes

Ilustruar nga: Lazarus

Adaptuar nga: Ruth Klassen

Përkthyer nga: Arianit & Valbona Iljazi

Prodhuar nga: Bible for Children  
[www.M1914.org](http://www.M1914.org)

©2013 Bible for Children, Inc.

E drejta e kopjimit: Mund të bëni kopje ose ta shtypni këtë histori,  
nëse nuk do ta shitni.



Davidi i ri ishte duke i ikur ndjekjes. Mbreti Saul donte ta vriste atë. Davidi jetoj në shkretëtirë, në një shpellë të stërmadhe me të katërqind ndjekësit e tij.



Disa herë, ushtarët e Mbretit Saul pothuaajse i gjetën ata. Por Davidi zhvendosej vazhdimisht.



Shërbëtori i Saulit, Doegu, i tregoi Saulit që priftërinjtë e kishin ndihmuar Davidin për t'ia mbathur. Sauli urdhëroi që priftërinjtë të vriteshin. Por vetëm Doegu ishte i gatshëm ta bënte këtë. Ai në mënyrë tepër mizore, vrau me shpatën e tij tetëdhjetë e pesë priftërinj dhe familjarët e tyre.



Një ditë, Sauli po  
ndiqte Davidin dhe  
hyri drejt e në  
shpellën ku Davidi  
dhe njerëzit e tij  
ishin fshehur.  
Sauli ishte vetëm!




Në shpellë, Davidi lehtësisht mund ta kishte vvarë Saulin. Përkundrazi, ai u zvarrit afër dhe preu me thikë cepin e rrobës së tij .




Kur Sauli u largua, Davidi i thirri atij. "Meqë preva cepin e rrobës sate, dhe nuk të vrava ty, kuptoje që nuk ka as ligësi dhe as rebelim në duart e mia..."



Sauli tha se i vinte keq që ishte përpjekur ta vriste Davidin. Por shpejt, zemërimi i tij i vjetër u kthye, dhe sërisht mblodhi një ushtri prej tremijë burrash për ta vrarë Davidin. Një natë, kur ushtria po flinte, Davidi dhe Abishai, një nga ushtarët e tij, depërtuan në fushimin ku Sauli po flinte.








“Sot Perëndia ta ka dorëzuar armikun në dorën tënde”, pëshpëriti Abishai. “Të lutem, më lër ta godas vetëm një herë, dhe nuk do të ketë nevojë ta godas një herë të dytë”.





Davidi nuk pranoi. Duke marrë shtizën dhe broken e Saulit, ai u largua nga fushimi. Nga një kodër mu përballë fushimit, Davidi bërtiti gjersa Sauli e dëgjoji. Edhe një herë tjetër Sauli e kuptoi që Davidi mund ta kishte vrarë, por nuk e bëri. Edhe një herë tjetër Sauli tha se i vinte keq që kishte dashur ti bëjë keq Davidit. Por Davidi e dinte që nuk mund ti besonte fjalës së Saulit.

Ndërkohë Samuëli kishte vdekur. Ai ishte profeti të cilit Perëndia i kishte thënë të vajoste fillimisht Saulin dhe më pas Davidin si mbret të Izraelit. Kur Filistenjtë sulmuan Izraelin, Sauli bëri diçka të tmerrshme, diçka që Perëndia e ndalon.



Ai urdhëroi një grua që të thërriste Samuelin prej vendit të të vdekurve. Atë natë, Sauli mori një mesazh.



"...Perëndia është laruar nga ty dhe është bërë armiku yt... Perëndia e ka hequr mbretërinë nga duart e tua dhe ia ka dhënë fqinjit tënd, më saktë Davidit. Nesër, ti dhe bijtë e tu do të jeni me mua. Perëndia do të dorëzojë gjithashtu ushtrinë e Izraelit në duart e Filistenjve". Kur Sauli dëgjoji këtë, ai ra përtokë nga frika.




Filistenjtë luftuan kundër Izraelit,  
dhe njerëzit e Izraelit ia mbathën.  
Filistenjtë vranë bijtë e Saulit,  
duke përfshirë  
Jonathanin,  
mikun e mirë  
të Davidit.



Sauli u plagos rëndë prej shigjetarëve. Dhe ai i tha armëmbajtësit të tij, "Nxirre shpatën tënde dhe më vrit, përndryshe do të më vrasin këta të pabesë dhe do abuzojnë me trupin tim". Por armëmbajtësi i tij nuk bëri ashtu, sepse kishte shumë frikë. Kështu, Sauli mori shpatën e tij dhe u hodh sipër saj.





Pasi gjetën trupat e Saulit dhe të bijve të tij, Filistenjtë i varën ato në murin e një qyteti Izraelit që kishin pushtuar. Disa Izraelitë trima i hoqën trupat prej andej, i morën në shtëpi, dhe i dogjën përpara se ti varrosnin mbetjet e tyre në Izrael.








Kur Davidi dëgjoi lajmin  
e tmerrshëm, ai qau,  
vajtoi dhe agjëroi deri  
në mbrëmje për Saulin,  
Jonathanin birin e tij,  
dhe për njerëzit e  
tjerë të Perëndisë që  
kishin rënë nga shpata.



Megjithëse Sauli ishte  
përpjekur ta vriste Davidin,  
Davidi e nderoi Saulin si të  
vajosurin e Perëndisë gjer në  
fund. Tani Perëndia e nderoi  
Davidin, duke e bërë atë mbret  
në vend të  
Saulit.



# Davidi, Mbreti (Pjesa 1)

Një tregim nga Fjala e Perëndisë, Bibla

e marrë nga

1 Samulit 24-31, 2 Samuelit 1-2

"Zbulimi i fjalëve të tua ndriçon dhe u  
jep mendje njerëzve të thjeshtë."

Psalmet 119:130



Fund



Ky tregim nga Bibla na tregon për Perëndinë tonë të  
mrekullueshëm i cili na krijoi dhe dëshiron që  
ne ta njohim Atë.

Perëndia e di që ne kemi bërë gjëra të këqija, të cilat Ai i quan  
mëkate. Dënimi për mëkatin është vdekja, por Perëndia ju do juve  
aq shumë sa që dërgoi Birin e Tij të vetëm, Jezusin, që të vdesë në  
Kryq dhe të dënohet për mëkatet tuaja. Pastaj Jezusi u ringjall  
dhe u ngrit lart në Qiell! Nëse beson në Jezusin dhe i kërkon Atij  
të t'i falë mëkatet e tua, Ai do ta bëj atë! Ai do të vijë dhe do të  
jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu:  
Jezus i dashur, unë besoj se Ti je Perëndia i bërë njeri për të  
vdekur për mëkatet e mia, dhe që Ti u ngjalle sërish. Të lutem,  
eja në jetën time dhe fali mëkatet e mia, në mënyrë që unë të kem  
jetë të re dhe një ditë të jem me Ty, përgjithmonë. Më ndihmo,  
të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

